



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აჭარული ხავერდულა

აჭარული ხავერდულა, ჰევისტონის შავა (*Erebia hewistonii*), პეპელა ხავერდულასებრთა (*Satyridae*) ოჯახისა. მაღალმთის ლოკალური გვარის კავკასიური წარმომადგენელია. ვიწრო ენდემი და ნაკლებად შესწავლილი სახეობაა. შეტანილია „სსრ კავშირის წითელ წიგნში“. პირველად აჭარის მთებში იპოვეს და აღწერეს, როგორც ახ. სახეობა. ფრთების შლილი 42 – 46 მმ. მუქი ყავისფერი ხავერდისებრი ფრთები ბოლოვდება ნარინჯისფერი არშიით, რ-ზედაც შავრგოლიანი თეთრი თვალუკებია გამწკრივებული. გავრცელებულია მცირე კავკასიონზე და სამხრ. მთიანეთში. ტიპური ადგილსამყოფელია მთის წიწვოვანი ტყეები, სადაც ფრენს ღია ადგილებში, ტყისპირებსა და ველობებზე.

ე. დიდმანიძე
